



南都大仏齋頌
三





重興南都大佛殿讚頌集卷之三

道明紹榮
元嵩 等全錄
道玄宗智

賀偈

黃檗

性瑩 獨湛

乘除元恃數興廢誰主張推心究此理吾見其奈良
虛空爲殿宇日月作燈光供奉金銅像歷年經幾霜
追思 聖武帝弘願勝育王金身十餘丈鼓鑄鎮此
邦幾番經劫燒真體愈堅剛煙雲之磨盪風雨之飄

早稻田大学
文学部図書

個人研究費

雲英末雄

54-03509

揚繞座鹿羣至，啣花百鳥翔。遊人臨此地，無不發感傷。
 給孤緣有待，祇樹望陰涼。江府當今主，前身是聖皇。
 下令恢前業，重興大覺場。沒量天大事，沒量大人當。
 化風行諸國，輸誠敢後將。歸福于黎庶，普度似浮梁。
 以斯祝聖壽，家國永其昌。歸然睹史夫，天宮墮此方。
 一時遭際遇，公慶龍松坊。副其幼年願，辨其鐵心腸。
 可知公慶公，其人非泛常。我說此偈言，天龍鑑昭彰。

全

峩山

性圓

獨照

興亾有數不思議，驗取衆生作福時。瞻禮毫光無極

喜雄成，審殿耀，坤維。

法語

天德

性派

南源

都南大像，天下稱尊。審殿重興，源公再世。願輪拽轉，維新聖武帝之嘉模。佛日均瞻，照見衆臣民之赤胆。是以數渡錢之喜捨，受報帝王尊事足徵也。一掬土之奉施，感統閻浮界言不謬焉。故曰一瓦一椽，各人各佛。豈不信歟？乃拈香云：大衆會麼？益此大像初成之日，感南天竺菩提僧正應化此邦。帝詔爲開眼導師。是後兩遭回祿，風雨飄淋。迄今又將二百歲矣。年來龍松院公慶大德見之，慨然發弘誓願志圖。

恢復故敢普告十方宰官長者善信等各同出手圓
此勝事是謂忠君福國之大本也茲當興工之始適
值山僧幻寓此方請為拈香普願人人各下菩提種
克日圓成蓋代功從此八方全慶祝萬年國祚永昌
隆

賀偈

同

都南大佛殿重興感得源公再現身度世密垂雙手
眼輸誠普勸眾臣民維新 聖帝千年利永成菩提
百劫因行願圓成天下慶功高蓋代國長春

全

黃檗漢松

性獅 獨吼

劫火洞然物俱壞唯存古佛鎮東大而今僕指已多
年緣未成就難覆蓋且喜龍松高行僧發起大心隨
處巧舍身為報如來恩誓願為祝國家泰我聞有此
殊勝緣大展炊巾向南拜

法語

佛國

性激

高泉

南都東大寺龍松院住持公慶關黎奉 上青重

裝大佛像兼造審殿請慶讚拈香

巍巍古梵像赫赫紫金容虛空為審蓋大地作蓮臺
鶴鹿脚華煙霞繞座峯頭日月懸無盡之明燈禁外
松杉設長生之淨供桃紅李白無非流露真宗燕語

驚啼悉是宣揚妙法大哉調御希有難思管年何幸
 屢示我於夢中今日逢緣再瞻禮於座下且喜名緇
 道心廣大重建千楹之審殿廣鳩四海之貨財共成
 勝事全植良因茲當仲呂之月正值經始之辰千僧
 雲集萬姓川臻競獻香火全申供養何似靈山一會
 分明萃藏現前以此殊勲普沾沙界伏願 今上帝
 君聖躬萬歲 當朝元帥台算千秋列國王侯福基
 永固滿朝文武祿位高升培此世之靈根圓當來之
 佛果復說偈云此古皇都如舍衛山明水秀兩相宜
 巍巍梵刹重營日赫赫金容再飾時萬姓仰瞻稱罕

遇千僧圍繞歎希奇兜樓一瓣焚金鼎散作祥雲覆
 兩儀

賀偈 并序

同

南都東大寺有盧舍那佛銅像管 天平帝因夢
 感所造像高一百六十尺梵容奇古望之若紫金
 山復建大殿以覆之後為祝融氏所廢猶銅像存
 焉歷百餘歲以風日雨雪所侵而像亦損壞緇白
 瞻禮者輒有悲感近年龍松院住持公慶闡黎確
 然有興復之志遂自大將軍募天下人無論貧富
 各施銅錢一予聞而嘆之以其取少而化廣異乎

常乃減衣益奉三十貫意以一人而預三萬人云
 無何積錢如山乃先饒聖像而後擇今戊辰之夏
 四月二日經始集匠氏五百人又飯千僧以修法
 事如是者七日止持請予祝國拈香予嘆其行人
 所不能行作人所不能作真僧中龍哉詩以贈之
 聞黎聞說自生來便有經天緯地才今既立成功不
 朽國人誰不嘆奇哉
 如山梵像既嚴飾拔地琳宮應建立從斯名翼日遐
 飛五百驛驢趁不及

全

南嶽

道宗 悅山

聖皇鑄就赤金仙宿露又將二百年審殿重興功蓋
 世願輪撥轉孰全肩開來繼往增光彩祝國庇民廣
 福田從此都南稱第一慶公慈化永流傳

全

并序

峩山 含玉

道澄 月潭

南都東大寺大佛殿自羅永祿鬱攸之變迄今百
 有餘歲佛像尚存雨淋日炙若將頽焉瞻禮者莫
 不咨嗟嘆息去歲龍松院公慶上人發心欲重新
 修飾覆以殿宇蒙朝廷允許乃募天下人共結
 勝緣吁非大心薩埵乘夙願力曷能荷此鴻任耶
 今年丙寅杪春余從本師特來禮佛恭綴一偈少

申隨喜之忱云爾

兵燹當年作禍災，巍巍紺殿倏成灰。雲蒸日炙金容慘，風櫛雨淋審髻頽。今喜慶師興大願，卻疑俊老解重來。竚看崛起華王刹，四聖全歡嘉運回。

全并序

南紀 妙高

道成 圓通

東大寺嘗罹兵燹者，二大佛審殿層構遂堂盡，烏有矣。獨有一十六丈銅像露坐於日星風雨之間，使人有靈傷之思。公慶上人自幼受業是寺，喟然有起廢之志。知時未至，卷而懷云：貞享丙寅歲，上人悉捐衣盃，充造營資。又作化疏，歷叩十方。若貧

若富，薦具輸力，除蔓艸，夷舊基，始工于今。茲夏四月，諸山耆德遐邇，緇素驩然奔趨。余昔南歸，恨及不赴，其勝會因述山偈乙章，以申隨喜之誠云。

日域精藍萃斗南，毘盧樓閣覆三千。巍巍妙相色空外，晃晃慈光照八埏。聖武天皇御審曆，猶如赫日掛九乾。良辯勸之行基助，菩提來遊秉化權。四聖相聚，真希有或推或輓。功式遄佛心，天子民父母。天平詔敕分明宣，各人各佛全一體。一鍼一艸，功果圓像宇速成。勝審始備，知聖主用心專。伏見岡邊，伏見叟時哉。歌唱似登仙，治承永祿是何歲。兵火炎炎焚上

天金碧丹瑤化爲土梵容生動獨歸然不是靈神能
 呵護爭得像設至今傳審殿遺址柱礎在荆棘灌莽
 最堪憐平大帥與松彈正留取汚名瀆簡編方今四
 海清平世慶師發願力幹緣大殿落成必有日不績
 何殊源老賢勲業永勒金石上德聲籍籍萬斯年

全

攝陽

大舟

道經

別傳

聖皇御天萬物咸覩雲兮從龍風兮從虎靜而鑒今
 分明知古太故欲襄必假公輔四聖等心不爽盟府
 立志有由王事靡盬綸音降頌傾廩發庾舍那之尊
 嚴據紺宇畫棟彫甍天撐地柱群萌仰瞻均飫法乳

一罹祝融臺殿莽鹵世雄依然密護八部代謝人烟
 霜白月苦躋哉重翁稟命國主航海支那弘募緣
 簿忍力鏗牢精進干櫓擊碎怪囊敞架萬柱緇素駢
 闐慧勤福聚雨覆雲翻運係通敵兵燹再颺月照空
 廡或毀或成方便之父蓋頂虛空獨坐保俟時至重
 興慶翁踵武辱承鈞宣量才幹蠱欽愛通人可規
 可矩發廣大心心華燦吐七衆歸崇揮金如土如法
 而平華香旁牛經之營之全功立數審殿重創法施
 增晉祝國清寧萬姓受祐爐薰玉麈佇聽法鼓

全

南都

瑞景

道立

卽空

古佛法身德滿圓千僧圍遶濟人天王臣輻輳朝壇
上道俗團團列座前北洛南京互讓路大唐日域共
全筵一聲鉦聲聲纔響密殿方看全象然

全

播陽

大願

道晏

卯光

天維作蓋地維席中有覺皇度衆生微見毘盧清淨
體眉間萬丈放毫光

菩薩度生乘願輪廣營密殿福黎民千僧齋會興工
始成謂源翁再現人

全

并序

和州

法光

道用

梅谷

龍松院公慶上人發大心手攜笮竿俊乘坊重源

上人所持勸進瓢特募緣於天下重興南都大佛
密殿乃于貞享五年歲次戊辰四月初二日起工
郢匠五百人高僧一千員予亦應其法會聊述拙
偈一絕以贈

再世源公弘願成從茲密殿特經營半瓢能化普天
下延得千僧作證明

全

黃檗

龍興

道蓮

香國

振古佛心主無如吾聖皇夙佩鷲峰記來作法金
湯鑄佛他受用相好正輝煌覆以瓊樓殿肯構冠扶
桑一旦罹兵燹禍延及蕭牆空餘金銅像洗磨幾星

霜時有重源叟德行世昭彰承旨幹緣事持曆渡滄
 浪化行真丹國重豎法棟梁興廢其天也重經劫燒
 亾自時百餘稔墮圯正可傷天假龍松主杖笠荷瓢
 囊橫行湖海上祖左為衆倡林木皆響應威光赫東
 方我知慶大德再世俊乘坊無勞入殊域漸次登磔
 場際會聞尊宿幾疑身在唐法運所通暢如人步康
 莊况逢時清泰王臣共贊襄圓成大佛果坐立而可
 望憶管三迦葉繕修故佛堂復有一小果持帚掃佛
 房籍此微因故薰成解脫香全受阿耨記曠劫出塵
 障視公志卓犖厥功難絜量一憑衆人力身世兩相

忘三輪體空寂半生願可償先迴轉此意祝 國國
 殷昌次及群萌類平等沐恩光

全

加州

獻珠

道熙

晦曦

千丈舍那真妙體霜磨雨琢幾多年管聞 聖帝造
 營妙今見龍松願力堅架起虛空為審殿掀翻大地
 作金蓮風雷代展廣長舌一會禱華尚儼然

全

黃磔

華嚴

道實

惟一

古佛梵宮喜再興發弘誓願氣騰騰功勳蓋代誰堪
 比舉國咸稱越格僧

全

寓黃磔

道懷

龍門

一莖拈處伽藍就須識起土殿已成更把班斤揮匠
 手祇園林樹響丁丁千山答响龍松吼都教四維應
 此聲可是慶公後良辨又疑源老乘車行霜辛雪苦
 不曾顧激勵進前志最精一杓鎮山古重器此時提
 出作于城佛身已還舊相好堂宇大同管日宏況遇
 支那現在祖不勞泛海已題名明君御世九洲靜朝
 野化仁歌太平慈雨降從江府內槁枯州木盡蘇榮
 聖皇管代權輿業下令重興續聖情春日廟靈冥
 被福早令化主願輪盈

全

寓天德

道曜

覺峰

慶公弘願實難量赤手重興古佛場 朝音恭宣名
 勃起春山擁護色彌蒼勸緣專竭一心力種福須還
 列國王審殿功圓齊祝慶堯天佛日永輝煌

全

道香

鐵梅

世運昌時法運昌願主願海駕梯航千年審殿重營
 建合國士民盡讚揚玉斧高提須郢匠福由廣種賴
 賢主四方從此嚮慈化彈指圓成古佛場

全

道門

頂眼

喜君平管願無疆重建都南大佛場萬姓都來環審
 座四方全慶架華梁動天動地雄風起福國福民化

道昌從此圓成殊勝事舍那又現玉毫光

全 道月 玉江

願海之中轉願輪毫頭出現舍那身從茲審殿重新
建佛日增輝照萬民

全 道寬 禪海

審殿重興辰源公再現身願輪拽轉處祇苑正回春
道樹梯雲綠春山獻翠新從斯長祝國萬古福生民

全 寓漢松 道明 智覺

傑閣燬空已幾秋人人到此淚難收金剛座沒砂塵
裡無見頂彰雲霧頭佛道作興歸帝德舍那修飾壯

神州今因慶老願心大燦爛光明萬古留

全 寓佛國 道梁 千山

歸歸金軀露碧空重新蓋覆賴神工三生願轂轉無
滯四海檀波涌不窮緇白蟬聯忘遠近香華頂載自
西東如斯行業成何處盡在源翁一杓中

全 道清 心宗

何幸逢君出釋林分明夙負大雄心紺宮新架蒼龍
骨梵像重裝紫磨金緣結兆民無異法風聞四海悉
知音竚看不久成輪奐功績巍巍冠古今

全 道發 乳峰

奇哉菩薩出南陽誓願重新建窣坊時當仲呂興工
 且敬設大齋供十方捧幣絡孤猶海涌運斤匠氏似
 雲忙南朝經廢一千歲東大嘗災百廿霜盡道法門
 無柱石誰知僧海有津梁萬壑回光呈喜氣五雲獻
 瑞現禎祥洋洋弘願將何比浩浩奇功天莫量不字
 伽陀聊寄贈山河大地共稱揚

全

道地 天外

誓首大雄無上覺梵宮久廢再興工從斯南國頻增
 瑞福壽綿綿祝莫窮
 華嚴教主舍那佛悲願重重莫可量百億化身雖示

滅于今又復現慈光

全

道升 玉堂

龍松有個慶頭陀願力弘深利自他結構舍那古佛
 殿人天無數沐恩波

全

道指 柏州

金殿玉樓回祿後半空獨露法主身蓋天座地年光
 久洗雨磨風面目新深發大心通聖意再興梵宇悅
 山神人間天上歎希有料想生生乘願輪
 俊翁今再世古佛又增光溪舌梵音響野華沈水芳
 群賢皆踴躍舉世盡金湯雷震妙土斤雲翻應供香

地神擎劫石，舜若接虹梁。閣聳三禪頂，願深百谷王。
道聲寧易讚，功業不應量。

全

道方 月村

瞻仰前朝巨道場，更興百廢振宗綱。九天下賜上人，
號百尺重新古佛光。路遍諸方乘願轂，酷憐濁世泛
慈航。只緣欲續俊師迹，拈出手中杓柄長。

全

元珠 郁堂

重飭舍那古佛身，大興廣殿又傳新。天垂霽蓋蔭僊
境地，涌金蓮標刹塵。洪願再來効俊乘，群生頻化報
能仁。世間出世功勳滿，扶起微猷億萬春。

千年審利冠南國，慶老心全。聖武心廣發慈門，傳
自古普施化道。到於今幻成殿閣，曇華現稱讚人天。
願海深既得神機，兼妙用更增聲價。出祇林

全

道開 古帆

發大願心遍刹塵，千楹審構欲重新。遙思長者開園，
日喜值報身說法時。嘹嘹梵音禩衆樂，丁丁斤韻徹
風輪。皇圖佛道終無盡，那論人間百億春。

全

元鼎 九山

推出須彌為玉柱，拈來葦艸作浮圖。不因俊老今重
現，安得道名布帝都。

古佛千秋重現，瑞應真萬指。競檐登知君，願力元無盡。信是當今菩薩僧。

全

智杲 青天

舍那依正兩相應，自古南方佛法興。殿宇告成知不日，劫灰何恨冷於冰。地擎百億須彌柱，雲擁萬千羅漢僧。見說諸天隨喜去，管教功畢揭宗燈。再世時清願不虛，策勳何必讓權輿。先皇跡及千年後，古佛光生一炬餘。依舊幻成金殿閣，重新涌出玉芙蓉。如今欲假神工手，山色春回聖代初。

全

仙月 懷審

前朝烽火毀琳宮，金像只遺聖武功。滿月長從山月照，雨華頻作堊華紅。誰知經始梵王殿，神巧再逢俊乘翁。湖海從斯全慶喜，人間天上瑞無窮。舍那妙用信難圖，感得奇人募給孤。審所復成新佛國，毫光頓改舊規模。神龍獻樂浮春水，仙鹿啣華繞故都。自是扶桑第一刹，朱檐畫棟出雲衢。

全

宗慶 叅巖

舍那古佛在南天，隨喜群賢種福田。重建梵宮連碧落，高名永布億千年。

全

元生 秀嶽

貞享方登第五年再興梵宇鎮南天運斤萬匠竭神
力佐化千僧聚法筵
大悲菩薩願無邊廣度群生遍大千丈六金身光照
地萬章玉樹綠連天

全

元華 微笑

移來萃藏在人間種種莊嚴願力堅無限群生爭讚
羨功成名著播千年

全

寓南嶽

元回 祖春

聖皇梵刹喜回春師是乘翁再世人胸蘊光輝三笠
月時蒙擁護八幡神欽哉東海逢嘉會妙矣南天轉

法輪合國王侯承佛囑凌雲紺宇早清新

全

并序

寓檨山

元晦 廓宗

夫淨法界身本無出沒器世間相方有廢興故能
仁氏為度群品顯相垂教此梵刹佛像之所以興
也原此東大寺乃係 聖武皇帝發願創建故雖
罹寇火久而重興自時乙百餘年前再遭祝融之
變厥後荒涼而見者感傷茲有公慶大德發廣大
心普勸天下欲重興之因此貧富貴賤無信服而
不從事于斯其功奏圓成指日可待然如慶師可
謂人間最上之福田而渡苦海之舟航者也因述

小偈以表法喜之忱

為興東大世雄，殿躬入塵寰。普勸檀舍，咲既同身子。
智成功定有，給孤歡山河。已化黃金地，林樹更圍碧。
玉壇不自經營全，就處移來兜率與人看。

仝

道壽 看山

憶管 聖皇乘願力，鑄成金像耀蒼穹。棟宇凌虛燦
萬瓦，崔嵬獨鎮海之東。豈知兵火云為虐，玲瓏審刹
化成空。雨洗風磨妙相儼，悲哉往往嘆英雄。惆悵無
人能起廢疇，知天運塞還通。維時四海方豐盛，南中
崛起老龍松。慨然夙夜不安席，志氣猶如貫日虹。蠶

足千里，誦江府敢陳丹烟達神聰。大君賢明齊日月

月下，肯賜國紹前功。宜哉萬口傳，一日遐邇無州

不靡風。公侯相之士庶會金帛，雲輪等壙崇時勢。遭

逢既如此，屈指應須待棟隆。君不見帝釋棟州建刹

竟扶得半邊未全終，爭似慶公鳩萬姓。奈良之京構

高宮

仝

肥州

道智 覺堂

吾見大悲乘願轂，隨機赴感奉刹塵。躋矣 聖武聖
皇帝不昧驚峰記，蒞親布金建刹天平曆。爽塏不減
祇園宏，居諸抵今將千歲。朱棟彫甍逼蒼旻，何意祝

融ニ說ク空ヲ付ス之ヲ艸ヲ莽ニ百廿春ニ雲烟鎮坐舍那佛雄基
半到萬瓦鱗遊人觸目成太息也知靜裡哭鬼神興
廢以時良有以只要將來得其人其人獨待龍松公
汪洋襟度迥超倫矢志夙思嗣其美承肯化募友蒼生澆李頓使愚懦起果德良由嚴華因貞享戊辰
夏四月鳩工聚材始經營古皇都下如歸市輪以薊
幣或珠珍一期七日伸慶讚拈据樹勲莫與京畫屏
朶朶青山麗群鹿脚羣傍客馴吾曹際遇今日盛且
喜容為聖世民九會儼然未嘗散一回徹見一回新
蟻垤蜂房毘盧境全冰皁仁與慈仁更祝理事無

礙界一莖艸頭奏大成

全 寓瑞龍 元濬 菊潭

四聖鑒知願力敦巍然十丈舍那尊佛燈焰續嘉祥
裔僧虎臘高賢首孫歲久灌莽埋斷礎世殊宿霧阜
頽垣賴師今振繼承志湧普光堂耀法門

全 寓大舟 元宏 江天

三賢值聖皇勳力立空王布金憑委績荆林化審
坊一遭舞馬變石人亦斷腸俊老推願鼓竭力募華
桑依舊具壯觀峻宇築雕墻再經兵燹後誰不歎彼
蒼風露磨佛面知是幾星霜何幸世清泰龍松育老

慶燕都降，令旨募化，貴通方，檀信共稱讚。大器正，大量目，卽全盛事，輪奐立道場。祝釐呼萬歲，從教傳德香。

全

式廬

元皎

月芝

四聖一從訂，舊盟舍那巍。爾據南京一成一毀還，常數最貴源翁颺。法旌其奈再逢回，祿崇卻疑有意示。是盈日灸風吹經，幾紀靡聽寅昏法鼓轟。且喜時來產國瑞，通天英畧見慶兄。丞承鈞旨化六六，輸財輸力露葵誠。傲霜冒暑忘艱苦，百方千計努經營。佇看不日襄大事，金作蛟龍盤丹楹。祝國高唱太平曲。

何妨千古遞盛名

全

寓南都瑞景

元妙

高嶺

像飭殿催願不群，落成所捐舉州欣重源。再世方公慶聖武，後身則將軍。緣熟伏翁回作舞，時哉匠者各揮斤。高挑佛日掛東大，從此增輝天下分。

全

寓礫山

元崇

海曦

琳宮基廢半，荆榛霜肅露。凄切佛身一旦得，乘弘願力緇門。梁棟在仁人。

全

寓賀州獻珠

元忠

節曦

咎有聖皇感瑞夢，洪鑪鑄出大金仙。髻螺疊疊從

春嶽紺目沈沈湛秋淵紅托雲霞爲審蓋權將大地
作青蓮再經兵燹尚不壞須知妙相金剛堅雨洗霜
磨巋然坐不知歲華幾更遷龍松主者乘願力六六
州中募衆緣手胼足脛無少憚咸謂重來古大賢合
國人競嘆希有衆檀捐資祖右肩行看審殿輝金碧
如仰岱華萬尋巔

全

元進 伊山

笱年兵燹境荒涼古佛巍巍坐石牀
竚看源公今再世依然特地架華梁

全

寬浚 慧津

龍松願力實難量重關舍那古佛場
一片丹心昭日月多半德化動侯王
御華異獸池塘畔蒺錦群賢金玉
章且喜真風回法社從教六合仰慈航

重興南都大佛殿讚頌集卷之三

補遺

賀偈

寓峩山

元朗

秀川

寺廢祝融幾許春，唯看調御到全身。全身常露撐天
地，衆福廣流刹塵時。值俊乘重世，且人懷須達施
心真，曾般巧手運刀斧，待看梵宮輪奐新。

全

寓磔山

道玉

溫然

峩巖佛閣再傷燬，力復還公志氣雄。聖帝布金恢
盛業，東君下令繼前功。願輪轉處車全軌，德化行
時艸偃風。徹見此心真妙用，一莖艸上現琳宮。

全

播陽

元昭

宜鑑

紫金光佛鎮東方，紺宇幾為瓦礫場。賴有丈夫重奮志，空王審殿又輝煌。

全 寓漢松 道燈 千指

洛南山大像天下仰，稱尊嚴飭堂回祿。神通佛現存地靈，棲衆鹿林茂，呌群猿。今有僧高德，重興舊紺園。

全 秩山 如幼 元常 大梅

巍巍南洛舍那真，亘古亘今絕比倫。水火難侵堅實體，風雷不動紫金身。長羊示現徧塵刹，永劫熾然轉法輪。喜有玉樓兼紺殿，萃鋪錦上又重新。

全 寓佛國 元光 玉庭

南有古皇，地人間最吉祥。琳宮既雄偉，梵像復輝煌。奈何逢劫燄，化作荆榛場。國人瞻禮者，往往動悲傷。幸生慶上士，法海大舟航。奮志願恢復，忘軀募四方。此心既弗退，誠可感疾王。一旦動斤斧，人天咸讚揚。他時輪奐畢，功績冠扶桑。

全 江府 弘福 道機 鐵牛

見說都南有慶公，生來志弗與人同。一身便欲追前烈，赤手還思建鉅功。特地重新古佛像，等閒再現梵王宮。懸知指日成輪奐，應得群賢嘆不窮。

全

江府

瑞聖

道明

慧極

古佛金身猶現在梵王宮殿儼飛來闍黎功行高如
許誰不同音嘆異哉

南中元是古皇都水秀山明世上無況值梵王宮復
現從今天下似唐虞

補遺終

重興南都大佛殿讚頌集卷之四

道明紹榮

元嵩 等全錄

道玄宗智

賀章

洛陽

了菴

熊谷

立閑

聖帝千年經佛臺中間兩度受兵災重營妙力徧親
度六合庶民茲子來願海金光兼日現慈門華運得
時開江南自古天王地滿目五雲祥作堆

全

洛陽

玉井

道純

天平皇帝一遺基公慶上人有出期道濟蒼生開審地鑪成造化復金姿轉輪鹿苑三千界說法雞園十二時重建從今應刻日義龍僧象似師誰

全

伏陽

鳥山

輔寬

兵火未能燔銅軀儼尚存幸逢新聖武況見老重源更造九層塔專供三界尊落成如有日不減古祇園

全

洛陽

櫟洞

清水

三伯

揮我斯兮揮我斧正當大聖降生辰重糝紫磨黃金相普叩朱門白屋人法運乘時奔願轂功名蓋世刻

堅瓊舊都壯觀一新去千歲挽回兜率春

全

肥州

柳溪

芥川

義章

天平聖主古名園其奈兩番兵火燔荒廢今經百餘載人間再見老重源

全

南都

恕軒

一色

興元

源公再世乘慈願重飾舍那金色身指日告成千歲刹發心向化四方民滿天法雨潤祇樹四海恩風降紫宸海寰瞻望經始日一條紫氣瑞光新

全

洛陽

葦巷

寺井

養拙

帝德遠傳古佛場金容無殿帶風霜山頭樹老護荒

址池面波清浸妙光舊造已依松永廢再營唯有慶
公倡蒼生歸仰建土日一辨烟升天地香

全

洛陽

槐菴

清水

玄達

千年金刹千年像刹廢像存歷幾霜六六邦人云
羸重重審殿再嚴莊天平聖意遺規範優闡神功坐
憲章願海乘來賢首後永為萬世大津梁

全

洛陽

湛然

那波

素順

審殿潰頽濬慨嘆浩然志願鐵心肝思還舊址日何
有預話落成齒不寒發轉化門為廣濟莊嚴真像復
前完俊師風度久寥沈再現南陽德愈寬

全

坂陽

友雲

西川

宗實

大哉南國古名場刹殿重興現法王千碧水澄紺目
色一輪日現白毫光半空捧出金蓮座終日續紛審
鼎香四海蒼生齊慶讚松師重繼俊師芳

全

南都

養菴

吉岡

宗仙

玉轉珠回風化敦募緣經始大精藍宋斤魯削運神
用仙鳳僧龍競會叅盖代功追天帝釋符時瑞現鉢
優曇法門仰見太平象華藏界開皇邑南

全

洛陽

加藤

永章

萬德舍那紫磨身風飄雨打感人人俊翁再世圖恢

復武帝宏基又一新合國仰瞻殊勝事萬民全種
菩提因琅琅林壑梵音震上祝皇圖億萬春

全 泉南 觀菴 高石 利貞

南都大佛殿兩度遭回祿今有慶上人發願重恢復
募緣告十方勸民為種福果結菩提圓華開祇苑馥
不唯國祚昌亦乃法緣熟首夏擇興工千僧延慶祝
佛日感重輝普照六十六

全 南都 猛齋 岡田 宗春

民子來栽福業因伽藍礎石喜重新萬人心自一人
發古佛添華藏海春

全 洛陽 蕉窓 那波 祐英

遐追舊址作徽猷飛錫扶桑六十州盖世壯心誰又
敵斯人鴻業獨尤優接雲調御運千斧出壑棟梁回
萬牛眼看空王太威力經營何敢用徵求

全 泉南 谷 安宜

南都大像殿重修武帝願心傳萬秋慶老必當源
老後功名蓋代孰能儔

全 泉南 盛田 光教

大殿從罹永祿災俊乘丕勸一時空頽容十丈聳雲
漢廢座千年磨雨風發願上人重募化擲資萬姓共

成功偉哉南國斯勝事天下不應無慶公

全

伏陽

鰕原

為春

南有名藍荒廢久經營更擬復當時白衣弟子何以賀謾吐寸丹七字詩

全

坂陽

松田

春林

插艸先知成審刹糝嚴十丈紫金身結緣萬姓植因種坐化八方轉願輪且喜源公重出世仰思武帝再施仁始工此日人天慶五百年來法運新

全

坂陽

不若

一捐

源公乘願德重振千歲聖蹤今再新六十六州全合

力依然供養舍那身

全

洛陽

林

茂春

南州再現舍那尊東大重興金殿閣武帝嘉模俊乘功總歸慶老一經畧

全

南都

延命

元松

教林

一千龍象賀興土全集法筵禮覺雄審構圓成知有日願輪運轉遍桑東

全

湖東

白雲

上杉

山雪

佛心世主今猶古恢復千羊舊弘規正是毘藍降聖日喜逢審刹建土時檀波激發流嘉澤化境豁開固

福基萬姓向南同慶祝氤氳瑞霽遍天涯

全

和州

寺井

由溪

重建天平開剎利遍飛金錫誘蒼生大振神斧粧蓮座永轉法輪護化城覺月高輝三界滿慈風廣布萬邦行佛圖鼎盛際斯日緇白齊歡聖世清

重興南都大佛殿讚頌集卷之四終

補遺

賀章

洛陽

蘭齋

松井

依勝

上人願力恢回復審華臺一化傾緇白萬方輸貨財法門嘉運復塵界福基開應是諸天感雨華滿八垓

全

洛陽

東菴

青木

元澄

聖武相攸開審利遮那大殿倚天雄一時舉廢重源力千載改觀公慶功神鬼傾心俱奮捐帝王降命賜金銅落成既有因緣熟竦看雕梁架彩虹

全

勢陽

養浩

村上

之道

由來儒釋是同仁陰翊皇猷博愛民四聖憲章三代

樂八荒煦育一團春基開東域休明世銅範西方大
聖人審利重營仍舊貫宜稱塵外股肱臣

全

洛陽

誠菴

寺井

道助

茲地曾開大梵宮一朝兵火便為空金姿赫耀山河
日妙法悠揚國土風僧俗仰瞻弘願力龍天獻納再
營功香烟散作瑞雲去遍覆三千世界中

全

洛陽

靜菴

礎甫

菩薩現身廣福田群生全種勝因緣南州重闢黃金
地東域現來紫磨仙法海汪洋祖浪涌皇圖悠久
願輪圓喜看澆末法門盛霽霽祥雲覆大千

全

洛陽

迂

敬直

審地幾年嘆廢荒上人功德廣無量願成一梵度三
界緣結衆生照十方紫氣祥雲應識瑞白毫妙相更
重光從斯刻日須終業南國復興千古場

全

備州

種杏

龜山

隆閑

南都巨刹甲扶桑往省曾罹松氏殃武帝宏基空
漠漠舍那大像露堂堂高談雄辯倡寰海坐化募緣
建審坊誰測慶師弘願力閻浮再現大醫王

全

豈畱

安之

德高願廣量虛空審殿時來為建工萬姓雲從忻種

福千僧星列共呼嵩當陽開拓華嚴界指日全登兜
率宮往歲燒痕都掃盡追向聖帝古遺風

全

竹洞

信安

上人弘願力無窮重建都南大梵宮魚貫千僧宣法
樂林羅萬匠震雄風雨華天降民心悅靈氣地鍾聖
化隆從此功圓行滿日永昭皇道鎮桑東

全

叢桂

元榮

大振化門闡化權普賢願行廣無邊紫金重飾舍那
佛紺殿移來都史天仙樂梵音聞玉闕祥麟瑞鳳集
華筵從斯南國增殊勝皇運永全法運綿

全

白雲

周賢

都南古聳七巨刹第一仰藍歷劫燒源老中興彰季
代慶公重建復前朝金軀嚴飾瑞光現紺殿經營功
力饒八萬人天加擁護福民祐國德彌昭

全

洛陽

浚江

信定

聞管源平兵燹熾成灰紺殿歷年長每嗟玉像蒙塵
土最慘審蓮帶露霜艸木全宜金口說乾坤乍放白
毫光從今重現華嚴界佛道皇圖萬古揚

補遺終

白雲室隱士周賢謹書

重興南都大佛殿碑記

洛陽南太_二度烟邨九十餘里有處甚夷
曠四山迴合鬱然鍾王者氣卽都中之
地界也蒼杉翠栢纖穠蔽空異艸奇葩
秀色可掬且多仙獸斑毛脩角食苹飲
澗出沒于原壑衢道日與行人交跡無
敢犯者矧夫都內氣象光華規模闊大

一水椽藍開萬古烟霞之國千山潑黛
 殿四時風月之天真古皇之大都會也
 所有佛刹不暇計其最稱絕出而甲於
 天下者莫今東大若也曩聖武皇帝
 因感異夢敕菩薩僧行基良辯菩提三
 公其勳力而剏之久而後成世總稱之
 為四聖云益以武帝即救世觀音行

基即文殊菩提良辯即普賢彌勒也其
 跡皆可考茲無暇及姑置之嗚呼當是
 時既有四聖出現于世則法門之興何
 難乎其殿僚南背北高若干丈東西二
 百九十尺南北十七丈雲棟霞甍五彩
 爭麗瓊檐審楯千祥畢集恍覩率陀無
 殊切利中以赤金範盧舍那佛像佛身

長一百六十尺面長一丈六頂上青螺
髻幾及千數此其大較也若一一述之
則不勝其繁耳治承四年俄嬰舞馬之
變遂爲煨燼後白河帝萬機之暇
念此寺乃先皇夢感所造亦一國之
壯觀不可不復特詔大元戎賴朝源
公與俊乘上人重新輪奐而其壯麗雄

偉視谷有加也至永祿十年冬十月又
厄于回祿而龍宮審界悉化爲瓦礫荆
榛之場益圍乎數有不可逃者獨大像
存焉逮今百有餘歲往往爲風日所逼
霜露所侵若將頽焉道俗瞻禮者未始
不悽然太息以至于殞涕者有之在谷
祇園精舍亦罹此厄唐宣律師嘗問韋

馱尊天曰世尊無量福海當說法時十方諸佛諸大菩薩諸天龍神悉皆畢集是謂最吉祥地最殊勝處何得有此厄邪韋天答曰此南天主乘大願力當重新此寺是以爇之然則往管東大之廢安知非諸天之願力歟貞享元年當寺之子院院主公慶上人奇人也生來氣

宇超邁道念堅確精修密行孳孳弗懈講演之餘常以起廢為己任亦可謂荷擔大法者已乃奏聞于上以先人俊公所遺小木杓徧募天下檀信無論貴賤男女各隨所捨而共成之益欲天下人均獲福利也既而錢穀雲委木石川臻有若堂上一呼而堂下百諾何其幸

哉或疑上人必俊公之再來豈不然乎
 不然特一比丘耳自奉其身尚恐不暇
 焉能立此蓋代之功邪一日攜其杓來
 視予予曰此乃今寺之無盡藏非小木
 杓也上人亦欣然以為然遂消戊辰五
 年四月二日經始鳩匠氏五百人齋四
 方僧伽衆萬指作佛事者七日以祝

聖天子萬壽

大元帥千秋繇是國

之善男信女持香華而隨喜者雲興海
 涌歡聲載道至無所容者益以今上
 皇帝與當朝大相國公明全日月德
 覆乾坤故有若是之盛事也上人以古
 寺之重興人天協贊功績浩大儻不述
 其顛末勒之貞珉將何垂示于後乎乃

命其法侶請予為文記之予惟此像之靈瑞與予有一段大因緣向所不欲言而今之奇遇至此又不容不言也憶卅歲昔始剪髮于古黃檗嘗夢一古佛像大如浮圖露坐于群山之中其體純黑意為生鐵所造如是者數四甚訝之竝莫知其故及予東渡之後嘗駐錫于法

苑寬文十二年春二月蒙一乘法親王命駕枉顧既而復遣使見招乃乘興遊都內忽引領見大像儼如所夢乃審為銅像以年深而黑非鐵也則向之所疑自此冰釋矣今慶上人乘風願力重興審殿重飭聖像又不以予為遐方之客視之若平生歡請作重興之記則其

緣爲尤奇予雖老慵無用曷敢以非才拒之邪又以聖武皇帝乃太土所化于六十六國中各置一寺號國分以福社稷今難波之國分其一也聞菩提僧正嘗從難波來而督是刹今經始之日而吾唐源翁和尚亦從國分領千指之衆而來說法拈香爲法事之首領則先


後如出一轍殆未可以凡情測之也雖然像設之大梵宮之廣一皆心外之物假合之相成必有壞卒不可免唯吾人各各有自性盧舍那唯心審王刹時時放光動地在在顯發莊嚴扇毘嵐而不爲之動歷劫燄亦不爲之變先天地而不見其始後天地而不見其終綿綿長

存非空非有苟知乎此則其功之大德
 之溥而利含生亘塵沙劫而無盡耳奚
 止如斯而已哉茲緣上人誠心乞請故
 不敢以世諦文章悅其目直為宣說惟
 心自性之肯欲使人人悟心外無境境
 外無心心境一如而如亦如則能向一
 毫端現審主利坐微塵裡轉大法輪若

但徒述其事而弗彰其理似使務外而
 忘內取相而遺性則其文麤而意末矣

肯

元祿改元歲在閏茂執徐應鐘月穀旦
 支那國傳臨濟正宗沙門性激高泉熏
 盥敬撰



附

重修大佛殿過現名會簿文

佛說福田經云佛告天帝復有七法廣
施名曰福田行者得福則生天上何爲
七法凡興立佛圖僧房等福田無量功
德無邊是也又佛具法報化三身茲南
都東大寺大像乃報身盧舍那佛管

聖武皇帝因夢感所造其大殿嘗罹平
 氏之災幸重源上人具弘願力克復如
 舊至永祿間又遭兵火之厄伽藍殿宇
 化為烏有惟大像存焉皆如來不思議
 力所致也爾來風雨交侵金容剝落不
 修不葺日將頽矣今有龍松院公慶上
 人發無上大誓普令群生結出世之因

緣重新營造遐邇全歡是猶大旱之望
 雲霓嬰兒之慕母乳也吾輩幸生此時
 又居此地遇斯勝事忝預外護之員豈
 非夙緣所感歟於是普勸十方善信不
 問尊卑遠近結菩提之良緣期報土之
 全會每月各捨銅錢若干文以充土木
 之需則月積年累人增時至一步一簣

之功寧不偉耶粒米之積為萬斛資糧
 決然可信於是作重修大佛殿過現名
 會簿以錄社中名字置諸勸化院凡緇
 素雲集每日朝夕念經稱名俾現在者
 福壽高增過太者品位超昇則永劫受
 用無窮矣豈其微哉皆有童子戲以沙
 土施佛尚感輪王之報況斯勝利乎伏

願有緣善信莫錯過此希有勝事成就
 無邊功德正此時也謹叩首誓告

皆

貞享五年歲舍戊辰孟夏佛誕生日
 南都居住奉佛齋戒弟子元嵩等
 薰沐拜

元祿元年歲戊辰仲冬穀旦

洛陽京極通五條橋詰町

中塾宗左衛門梓行



